



# საქართველო

ქალაქ ქუთაისის მუნიციპალიტეტის საკრებულო

## დადგინდება

№ 100

ქალაქი ქუთაისი

26

ივნისი

2024 წელი

ქალაქ ქუთაისის მუნიციპალიტეტში სათამაშო ბიზნესის  
მოსაკრებლის შემოღებისა და მოსაკრებლის განაკვეთების  
განსაზღვრის შესახებ


საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „დ“ ქვეპუნქტის, 24-ე მუხლის პირველი პუნქტის „დ“ ქვეპუნქტის „დ.ბ“ ქვეპუნქტის, 93-ე მუხლის მე-2 პუნქტის, „ნორმატიული აქტების შესახებ“ საქართველოს ორგანული კანონის 25-ე მუხლის პირველი პუნქტის „ბ“ ქვეპუნქტის, „ადგილობრივი მოსაკრებლების შესახებ“ საქართველოს კანონის მე-3 მუხლის პირველი და მე-5 პუნქტების, მე-5 მუხლის მე-4 პუნქტის, „სათამაშო ბიზნესის მოსაკრებლის შესახებ“ საქართველოს კანონისა და საქართველოს კანონის „საქართველოს ზოგადი ადმინისტრაციული კოდექსი“ 61-ე მუხლის შესაბამისად, ქალაქ ქუთაისის მუნიციპალიტეტის საკრებულო ადგენს:

მუხლი 1. ქალაქ ქუთაისში შემოღებულ იქნეს სათამაშო ბიზნესის მოსაკრებელი (გარდა ლატარის მოწყობისათვის დადგენილისა), რომელიც არის აუცილებელი გადასახადი ქალაქ ქუთაისის მუნიციპალიტეტის ბიუჯეტში.

მუხლი 2. სათამაშო ბიზნესის მოსაკრებლის გადამხდელები არიან პირები, რომლებიც ეწევიან სამეწარმეო საქმიანობას ლატარიებით, აზარტული და მომგებიანი თამაშობებით და ასეთი საქმიანობა საქართველოს კანონმდებლობის შესაბამისად, ექვემდებარება ნებართვით რეგულირებას (გარდა სისტემურ-ელექტრონული ფორმით სამორინეს თამაშობების ორგანიზების ნებართვის ან/და სისტემურ-ელექტრონული ფორმით სათამაშო აპარატების თამაშობების ორგანიზების ნებართვის მფლობელებისა თუ ასეთი ნებართვა მიღებული არ არის სამორინეს მოწყობის ნებართვის ან/და სათამაშო აპარატების სალონის მოწყობის ნებართვის საფუძველზე). სათამაშო ბიზნესის მოსაკრებლის გადამხდელია აგრეთვე, „ლატარიების, აზარტული და მომგებიანი თამაშობების მოწყობის შესახებ“ საქართველოს კანონით გათვალისწინებული ლატარიის მომწყობი (ორგანიზატორი).

მუხლი 3. სათამაშო ბიზნესის მოსაკრებლის ობიექტებია:

1. სამორინეს მაგიდა, კლუბის მაგიდა და სათამაშო აპარატი.
2. წამახალისებელი გათამაშების საპრიზო ფონდი.
3. სისტემურ-ელექტრონული ფორმის თამაშობა.
4. ლატარიის რეალიზებული ბილეთების ჯამურ ღირებულებასა და საპრიზო ფუნქციურ შორის სხვადასხვა.



5. სამორინეს მოწყობის ნებართვის საფუძველზე გაცემული სათანადო ნებართვის შესაბამისად სისტემურ-ელექტრონული ფორმით ორგანიზებული სამორინეს თამაშობები, სათამაშო აპარატების სალონის მოწყობის ნებართვის საფუძველზე გაცემული სათანადო ნებართვის შესაბამისად სისტემურ-ელექტრონული ფორმით ორგანიზებული სათამაშო აპარატების თამაშობები, ტოტალიზატორის მოწყობის ნებართვის საფუძველზე გაცემული სათანადო ნებართვის შესაბამისად სისტემურ-ელექტრონული ფორმით ორგანიზებული ტოტალიზატორის თამაშობები.

**მუხლი 4.** სათამაშო ბიზნესის მოსაკრებლის განაკვეთების დიფერენცირება უნდა მოხდეს სათამაშო ბიზნესის სახეობების მიხედვით და განისაზღვროს:

1. თითოეულ სამორინეს მაგიდაზე – კვარტალში 20 000 ლარი.
2. თითოეულ სათამაშო აპარატზე – კვარტალში 2 100 ლარი.
3. თითოეულ წამახალისებელ გათამაშებაზე – საპრიზო ფონდის 10%.
4. სისტემურ-ელექტრონული ფორმით ორგანიზებულ თამაშობებზე:
  - ა) სამორინეს თამაშობებზე – კვარტალში 250 000 ლარი;
  - ბ) სათამაშო აპარატების თამაშობებზე – კვარტალში 250 000 ლარი;
  - გ) ტოტალიზატორის თამაშობებზე – კვარტალში 250 000 ლარი.
5. ლატარიების მოწყობაზე – ლატარის რეალიზებული ბილეთების ჯამურ ღირებულებასა და საპრიზო ფონდს შორის სხვაობის 10%.
6. აზარტული ან/და მომგებიანი თამაშობის მოწყობის ნებართვით ორგანიზებული ობიექტის გარეთ განთავსებული, სისტემურ-ელექტრონული ფორმით მოწყობილი აზარტული ან/და მომგებიანი თამაშობის თითოეულ სალაროზე – კვარტალში 5 000 ლარი.
7. თითოეული კლუბის მაგიდაზე – კვარტალში 4 000 ლარი.

**შენიშვნა:** თუ სამორინეს მოწყობის ნებართვის მფლობელი კლუბის მაგიდას მხოლოდ აზარტული ტურნირის ჩატარებისათვის იყენებს, იგი უფლებამოსილია, არ გადაიხადოს ამ ქვეპუნქტით გათვალისწინებული სათამაშო ბიზნესის მოსაკრებელი.

**მუხლი 5.** წამახალისებელი გათამაშების, სამორინეს, აზარტული კლუბის ან/და სათამაშო აპარატების სალონის მოწყობის ნებართვებისა და სისტემურ-ელექტრონული ფორმით სამორინეს თამაშობების, სისტემურ-ელექტრონული ფორმით სათამაშო აპარატების თამაშობებისა და სისტემურ-ელექტრონული ფორმით ტოტალიზატორის თამაშობების ორგანიზების ნებართვების მფლობელები სათამაშო ბიზნესის მოსაკრებელს იხდიან მოსაკრებლის გადახდის ნიშნის შეძენისას.

**მუხლი 6.** მოსაკრებლის გადახდის ნიშანი არის წამახალისებელი გათამაშების ეტაპის საპრიზო ფონდისათვის, სამორინეს მაგიდისათვის, კლუბის მაგიდისათვის, სათამაშო აპარატისათვის, სისტემურ-ელექტრონული ფორმით ორგანიზებული სამორინეს თამაშობებისათვის, სისტემურ-ელექტრონული ფორმით ორგანიზებული სათამაშო აპარატების თამაშობებისა და სისტემურ-ელექტრონული ფორმით ორგანიზებული ტოტალიზატორის თამაშობებისათვის, აზარტული ან/და მომგებიანი თამაშობის მოწყობის ნებართვის საფუძველზე ორგანიზებული ობიექტის გარეთ განთავსებული, სისტემურ-ელექტრონული ფორმით ორგანიზებული აზარტული ან/და მომგებიანი თამაშობის სალაროსათვის ელექტრონულად გაცემული ნიშანი, რომელიც ადასტურებს სათამაშო ბიზნესის მოსაკრებლის გადახდასა და თამაშობის ორგანიზატორის მიერ თამაშობის მოწყობის გადახდის გათამაშების ეტაპის გამართვის, სამორინეს მაგიდის, კლუბის მაგიდის, სათამაშო აპარატის დადგმის, სისტემურ-ელექტრონული ფორმით სამორინეს თამაშობების, სისტემურ-ელექტრონული ფორმით



სათამაშო აპარატების თამაშობებისა და სისტემურ-ელექტრონული ფორმით ტოტალიზატორის თამაშობების ორგანიზებისა და აზარტული ან/და მომგებიანი თამაშობის მოწყობის წესართვის საფუძველზე ორგანიზებული ობიექტის გარეთ განთავსებული, სისტემურ-ელექტრონული ფორმით ორგანიზებული აზარტული ან/და მომგებიანი თამაშობის თითოეული სალაროს მოწყობის უფლებას.

**მუხლი 7.** წამახალისებელი გათამაშების ორგანიზატორი ვალდებულია წამახალისებელი გათამაშების ეტაპის დაწყებამდე გადაიხადოს სათამაშო ბიზნესის მოსაკრებელი არაუგვიანეს, საანგარიშო კვარტლის მომდევნო თვის 15 რიცხვისა.

**მუხლი 8.** წამახალისებელი გათამაშების მოწყობის (ორგანიზატორის) ყოველკვარტალური მოსაკრებლის ოდენობა განისაზღვრება საანგარიშო კვარტალში გათამაშებული საპრიზო ფონდის მიხედვით. ამასთან, წამახალისებელი გათამაშების ბოლო საანგარიშო კვარტალში მოსაკრებლის ოდენობა განისაზღვრება საპრიზო ფონდის ნარჩენი ღირებულებით (თანხით).

**მუხლი 9.** მოსაკრებლის გადახდის ნიშანი უნდა შეიცავდეს სათამაშო ბიზნესის მოსაკრებლის ობიექტების მიხედვით მინიჭებული წუმერაციის ველს (დიაპაზონს), რომლის ფარგლებშიც გაიცემა მოსაკრებლის გადახდის ნიშნები და მოსაკრებლით დაბეგვრის პერიოდს (გარდა წამახალისებელი გათამაშებისა).

**მუხლი 10.** თამაშობის ორგანიზატორი (გარდა წამახალისებელი გათამაშების ორგანიზატორისა და ამ დადგენილების მე-11 მუხლით გათვალისწინებული შემთხვევისა) საანგარიშო კვარტალის დაწყებამდე საგადასახადო ორგანოში იძენს მოსაკრებლის გადახდის ნიშანს დაბეგვრის ობიექტის ფაქტობრივი განთავსების ტერიტორიაზე მოქმედი სათამაშო ბიზნესის მოსაკრებლის მოქმედი სათამაშო ბიზნესის მოსაკრებლის განაკვეთის მიხედვთ.

**მუხლი 11.** სისტემურ-ელექტრონული ფორმით ორგანიზებული თამაშობების ორგანიზატორი საანგარიშო კვარტალის დაწყებამდე საგადასახადო ორგანოში იძენს მოსაკრებლის გადახდის ნიშანს იმ წებართვით გათვალისწინებული დაბეგვრის ობიექტის ფაქტობრივი განთავსების ტერიტორიაზე მოქმედი სათამაშო ბიზნესის მოსაკრებლის განაკვეთის მიხედვით, რომლის საფუძველზედაც მას მიღებული აქვს შესაბამისი წებართვა სისტემურ-ელექტრონული ფორმით თამაშობების ორგანიზებისათვის.

**მუხლი 12.** სათამაშო ბიზნესის მოსაკრებლის ობიექტის მიხედვით მინიჭებული წუმერაციის ველი (დიაპაზონი) საგადასახადო ორგანოში აღირიცხება თამაშების მოწყობის (ორგანიზატორის) სახელზე.

**მუხლი 13.** მოსაკრებლის გადახდის ნიშნების შემენის, წუმერაციის ველის (დიაპაზონის) გამოყოფის, აგრეთვე, უმოქმედო დაბეგვრის ობიექტების დალუქვის წესებს ადგენს საქართველოს ფინანსთა მინისტრი.

**მუხლი 14.** ლატარიის მომწყობი (ორგანიზატორი) ვალდებულია ადგილობრივ საგადასახადო ორგანოებში ყოველკვარტალურად წარადგინოს საქართველოს ფინანსთა მინისტრის მიერ დამტკიცებული ფორმის დეკლარაცია და გადაიხადოს მოსაკრებელი არაუგვიანეს, საანგარიშო კვარტლის მომდევნო თვის 15 რიცხვისა.

**მუხლი 15.** ამ დადგენილებით განსაზღვრული მოსაკრებლის გადახდის ადმინისტრირება ევალება საგადასახადო ორგანოებს.

**მუხლი 16.** საგადასახადო ორგანოები სათამაშო ბიზნესის მოსაკრებლის გადახდის ადმინისტრირებას ახორციელებს საქართველოს საგადასახადო კოდექსით დადგენილი წესებით.

**მუხლი 17.** „სათამაშო ბიზნესის მოსაკრებლის შესახებ“ საქართველოს კანონის დარღვევისათვის სათამაშო ბიზნესის მოსაკრებლის გადამხდელს დაეკისრება საქართველოს საგადასახადო კოდექსით განსაზღვრული სანქციები და სხვა პასუხისმგებლობა საქართველოს კანონმდებლობით დადგენილი წესით.



**მუხლი 18.** ძალადაცარგულად გამოცხადდეს „ქალაქ ქუთაისის მუნიციპალიტეტში სათამაშო ბიზნესის მოსაკრებლის შემოღებისა და მოსაკრებლის განაკვეთების განსაზღვრის შესახებ“ ქალაქ ქუთაისის მუნიციპალიტეტის საკრებულოს 2017 წლის 25 იანვრის №158 დადგენილება ([www.matsne.gov.ge](http://www.matsne.gov.ge), 27.01.2017, №210020010.35.123.016368).

**მუხლი 19.** დადგენილების ასლი, გამოქვეყნებისთანავე, გაეგზავნოს საქართველოს ფინანსთა სამინისტროს შემოსავლების სამსახურს.

**მუხლი 20.** დადგენილება ამოქმედდეს 2024 წლის 1-ლი ივლისიდან.

საკრებულოს თავმჯდომარე

ირაკლი შენგელია

